

四庫全書

史部

欽定四庫全書

史部

皇朝文獻通考卷一百五十四

府丞<sup>臣</sup>龔駭文覆勘

總校官檢討臣何思鈞

欽定四庫全書

皇朝文獻通考卷一百五十三

王禮考二十九

山陵

陵

上

臣等謹按上陵之禮昉於漢世考遷史周本紀武

王上祭於畢馬融以畢為文王墓地名則三代已

有之特其儀節未詳後之儒者遂謂葬藏廟祭不

可相兼非為論矣後漢永平初帝率公卿已下朝

於原陵史家誇為盛事蔡邕以為至孝惻隱不可奪也唐宋以降車駕朝陵之禮或數傳而一舉或一代全未舉行惟我

朝

列聖相承孝思肫切天聰崇德間

太宗文皇帝屢詣

山陵祇修時享

聖祖仁皇帝親政以後仰承

世祖章帝遺志詣

盛京祇謁

祖陵至於

暫安奉殿

孝陵近在畿輔展謁之禮歲必舉行至孝至誠實往古所

未有

世宗憲皇帝御宇歲修謁

陵之禮

皇上御極以來

東陵

西陵歲時展謁羹牆之慕曰篤不忘而復四詣

陪京

躬親祇謁尊

祖敬

宗禮明樂備洵足垂憲億萬世考馬端臨山陵一門於標

目下旁注葬禮及上陵字一卷之中隨文互見然

上陵之禮吉禮也大葬之禮凶禮也禮雖相因義各有當謹遵

大清會典及通禮之例叙次謁

陵祭

陵禮儀別為二卷以備掌故焉

天聰六年十二月丁丑

太宗文皇帝率諸貝勒大臣詣

太祖陵行時享禮

九年十二月丁酉

上率諸貝勒大臣詣

太祖陵祭告時以察哈爾舉國來歸兼獲玉璽上瑞及莽古爾泰德格類莽古濟等逆黨伏法焚楮祭告將讀祝

上跪令大貝勒代善獻爵畢

上諭諸大臣曰自古以來凡國有吉慶及變亂之事俱有祭告之典今當祇遵典禮奉告



皇考在天之靈於是讀祝冊畢

上出享殿還宮

十年三月丙午朔清明節

上率諸貝勒大臣親祭

太祖山陵

崇德元年四月乙酉以營建

太廟遣官捧祝文祭告

太祖山陵時定歲除日清明日祭

陵用牛一遣守

陵官行禮

東京

陵用牛二遣宗室覺羅大臣行禮

福陵用牛一羊二遣大臣一人行禮忌辰孟秋望日

萬壽聖節點香燭獻酒果均遣大臣一人奠帛讀祝行

禮每月朔望致祭用牛一點香燭獻酒果不讀祝

奠帛遣守

陵官行禮

二年六月丙辰以征朝鮮臣服其國及克明皮島  
捷音遣官祭告

福陵

四年四月乙丑以征明大捷祭告

福陵

上親詣行禮

順治元年七月癸巳以中原平定遷都於燕遣官

祭告

福陵

臣等謹按國有豐功慶典舉行祭告之禮或兼告

郊

社

陵

廟或專告

山陵俱載入郊社考告祭一門今於天聰崇德之際凡有

祭告皆書順治以後惟紀定鼎遷都告祭一事以  
見例遇有

親行祭告之禮則書

二年正月禮部奏言凡恭遇

萬壽節應遣官祭

福陵

昭陵止上香燭供酒果不讀祝從之

二月禮部奏言凡遇清明等應令駐防

盛京官祭

福陵

昭陵其

東京

興京

祖陵令守

陵官祭奠從之

三年正月定每年歲除清明及慶賀祭

昭陵如

福陵禮每月朔望於

福陵

昭陵獻酒果燃香燭罷

昭陵每日致獻

八年六月定

諸陵祀典一

興京

東京

四祖陵於冬至歲暮清明中元十月朔俱致祭其祭品冬至歲暮清明各用牛一獻酒果上飯上羹供香燭  
焚帛讀祝文中元十月朔各用羊一獻酒果供香  
燭焚帛讀祝文俱遣宗室覺羅大臣致祭每月朔  
望薦熟羊一獻酒果供香燭令守

陵章京致祭一祭

福陵



昭陵

上躬往自左門入若遣官自右門入祭文祭品悉由中門

入

福陵於牌樓前下馬

昭陵諸王則於立獅子處下馬官民則於樹紅梅處下馬

一

福陵

昭陵除清明中元歲暮照常致祭外每歲十月朔冬至亦

各致祭一次其祭品十月朔用酒果供香燭冬至  
用牛一羊一豕一獻酒果上飯上羹供香燭焚帛  
讀祝文

定和碩親王以下文武三品官以上謁

陵儀凡和碩親王以下文武三品官以上或專往

盛京或道過

盛京俱先謁

福陵

昭陵於二門外行三跪九叩禮及還辭

陵禮如前

九年正月禮部題

興京

東京二

陵

陵寢既同一垣凡祭祀時應在

享殿內設祭開後門望

陵行禮從之

十一年九月壬子遣輔國公班布爾善等恭代祭

福陵

昭陵先是十年五月丁丑

諭內三院朕仰承

天眷統一區宇深惟我

太祖武皇帝肇造艱難

太宗文皇帝大勲克集誕祐朕躬以有今日自登極以來

瞻懷

陵寢輒思展謁但彼時朕年冲幼未獲舉行每屆祀期瞻仰在

天之靈徘徊几筵不禁隕涕以致寢食俱廢日夜靡寧今將躬詣

山陵稍展孝思議政諸王大臣滿漢九卿等官其詳議以聞即傳諭禮部知之庚辰和碩鄭親王濟爾哈朗等奏言

皇上思念

太祖

太宗日夜靡寧孝思誠篤堯舜之大孝武王之達孝不是

過也茲欲躬詣

山陵稍展孝思

臣等仰體

聖心敢不恭承但思我

皇上為天下臣民之主親政以來因革損益各當

天心

太祖

太宗在天之靈必然欣慰見今南方用兵吏治尚未全飭

民生尚未全寧一日萬幾靡不出自

親裁若

聖駕遠行奏報未免稽遲稍需歲月再議舉行亦不為晚

伏望

皇上以

太祖

太宗安定天下之心為心天下太平百姓歌詠

聖德即是

太祖

太宗之德永永與

天罔極其為

聖孝更大矣疏入得

旨覽王等奏欲朕以

太祖



太宗安定天下之心為心具見為國惓惓但朕追念

深恩昊天罔極顧瞻

山陵以日為年即今未可必行擬於來年躬詣爾諸王

臣勿阻朕誠禮部屆期預行擇吉具奏至是年三月丙

申和碩承澤親王碩塞等奏言近承

聖諭擇期躬詣

太祖

太宗山陵仰見

皇上睦懷罔極之孝思但近因畿內水災方遣大臣賑濟  
又南方弗靖屢發禁兵若

聖駕遠行旦夕奏報未免稽遲仍當稍緩俟南征大兵回  
京方可恭謁疏入得

旨朕瞻仰

山陵久思恭謁慕戀之誠無忘寤寐四月內朕必親往已  
酉和碩鄭親王濟爾哈朗等復奏言

聖駕躬詣

山陵奉

旨定於四月十一日啟行但經行郡縣值民間粒食方艱  
恐難供應伏願稍需日月俟物力稍紓然後恭謁  
以展孝思疏入得

旨朕本欲早謁

山陵以抒戀慕今覽王等奏暫停此舉俟於七月間行七  
月丁巳

諭禮部朕方在沖齡即值

先帝晏駕終天抱恨時刻靡諼夢想音容涕泗橫集自元  
年定鼎以來綏輯多方焦心勞思不遑寧晷顧瞻

陵寢邈在天涯雖歲時祭祀齋沐遣官而朕躬未行恭謁  
追慕之殷以日為歲每臨餐廢箸中夜以興所以擇吉  
東行必不獲已茲復思

太祖

太宗創造丕基付託朕躬繼承匪易目今方隅未靖師旅  
繁興兼之旱澇頻仍小民失所一應養兵恤民措置規

畫朕與諸司夙夜圖維猶虞不給東行往返未免延曠  
時日有稽政務欲專心化理則難展至情若亟遂孝思  
又慮乖民望再四躊躇我

太祖

太宗原以天下生民為念如天下未安無以上慰

太祖

太宗在天之靈朕心亦何能安為此今歲停止東行俟他  
年有暇再行展謁爾部即行傳知至是遣輔國公班布

爾善等恭代致祭

福陵祝文曰恭荷

皇祖考

皇祖妣鴻庥獲承

天眷慶衍眇躬繼登大位十有一年翹望

山陵曷勝瞻戀頃於八月謹卜吉期虔申祭謁第念

太祖

太宗創興大業及茲纘承付託甚重今者方隅未靖水旱

頻仍生民未得其所凡卹兵養民籌度未遑誠慮往來  
道遠動需時日或致有悞國事上負

皇祖考

皇祖妣又安天下之至意用是勉從羣議暫止茲行俟歲  
之暇必當躬往反復思維不勝懷慕中心感傷茲遣官  
恭代用將悃誠伏祈

神靈昭鑒

昭陵祝文同

十五年十二月禮部議凡官員有以他事赴

盛京者三品以上於

皇陵城門外行禮不得入門遇祭祀日二品以上大臣許

入門同守

陵各官侍班從之

十七年派宗室覺羅數人居

盛京每祭

陵日令其行禮



康熙二年十一月禮部題

福陵

昭陵

孝陵四季大祭恭奉

神牌安設寶座致祭其

聖誕忌辰十月朔及每月朔望祭祀既無祝帛應不動  
神牌揭幔祭獻從之

三年正月更定王以下三品官以上謁

陵禮儀禮部議王以下三品官員以上凡有事往

盛京至

福陵

昭陵祇謁者應於城門外行禮開城門

盛京禮部官同看守值班官員導引進謁來時不必

進謁若往

孝陵王以下三品官以上應於

享殿大門外行禮開

享殿大門

陵上禮部官同看守值班官員導引進謁來時不必進謁

至往湯泉養疾者詣

陵進謁應准行禮若遇進祀供獻不必隨班行禮得

旨王貝勒行禮開殿門城門貝子以下三品官員以上行禮不必開門餘依議

定清明節上土儀每歲清明於各

陵上土十有三擔承祭官總管防官率官兵共十有三人

升

寶頂上土預於界外取土貯

陵垣潔淨處候用

又定

陵寢祭享易豕為羊並酌定祭品

八年停止宗室覺羅居住

盛京每年

四陵四時大祭遣多羅貝勒以下奉國將軍覺羅男爵以

上前往致祭

九年八月丁酉

聖祖仁皇帝奉

太皇太后

皇太后啟行恭謁

孝陵乙巳行祇謁禮丙午

上詣

隆恩殿大祭丁未詣

寶城前致祭先是閏二月丁巳

諭禮部

皇考升遐脩經十載罔極之思時恫於懷

山陵在望未一展祭尤切悽愴朕擬於今歲八月恭行謁  
陵禮又奉

太皇太后旨思念情殷亦欲詣

陵朕敬遵

慈命躬侍前往應行典禮爾部詳議具奏及謁

陵之日

太皇太后

仁憲皇太后

孝誠仁皇后公主等先行

太皇太后駕入

隆恩門至

明樓階前降輿

仁憲皇太后駕入

隆恩門至

隆恩殿階東南降輿

孝誠仁皇后至

隆恩門燎爐旁降輿公主等至

隆恩門外階下下車馬扈從婦女至三洞橋迤南下車  
馬

太皇太后於方城上東旁坐祭酒舉哀

仁憲皇太后率



孝誠仁皇后暨公主等於

明樓前正中行六肅三跪三拜禮隨舉哀祭酒時行三拜

禮禮畢奉

太皇太后陞輿還

行宮

聖祖仁皇帝至下馬石牌降騎王以下各官均在五洞橋

迤北下馬恭謁行禮出乘騎還

行宮次日於

隆恩殿行大饗禮又次日於

寶城前設黃幄行焚楮帛讀文致祭禮恭奉

太皇太后

仁憲皇太后率

孝誠仁皇后公主等先行至

寶城前太常官讀祭文

聖祖仁皇帝祭酒行禮王以下各官於

陵寢門外均隨行禮如儀禮成

聖祖仁皇帝御行宮守

陵官員行朝見禮

臣等謹按康熙九年以後

聖祖仁皇帝恭謁

孝陵二十七年以後恭謁

孝莊文皇后暫安奉殿皆歲或一行或至再三

聖孝淳深禮儀頻復史氏已詳書之茲考謹以其儀制初

定或復更易者登載於編

世宗憲皇帝恭謂

昭西陵

孝陵

孝東陵

景陵暨

皇上恭謂

昭西陵

孝陵

孝東陵

景陵

泰陵其紀載之法敬從前例

十年九月

聖祖仁皇帝恭謁

福陵

昭陵行告成禮先是九年九月丙辰

諭禮部

太祖高皇帝創建鴻圖肇興景運

太宗文皇帝丕基式廓大業克宏迨

世祖章皇帝誕昭功德統一寰區即欲躬詣

太祖

太宗山陵以天下一統致告用展孝思因盜賊未靖師旅

繁興暫停往謁朕以眇躬纘承鴻緒上託

祖宗隆庥天下底定盜賊戢寧兵戈偃息每念

皇考未竟之志朝夕寢食不遑寧處本欲先詣

太祖

太宗山陵再詣

世祖山陵因奉

太皇太后慈命以

世祖升遐十年未得一詣

陵寢於本年八月前往朕是以恭侍

太皇太后先詣

孝陵展謁禮成言旋今欲仰體

皇考前志躬詣

太祖

太宗山陵以告成功展朕孝思著議政王貝勒大臣內院

九卿科道掌印不掌印各官會議具奏庚申議政王大

臣等議言今歲北地苦旱南方患水兼之黃運二

河大興工役

皇上已於八月內躬詣

孝陵今復往謁



二陵路途遙遠凡一應所用之物預備難及請暫停恭謁  
得

旨謁

陵典禮關係甚大今年暫行停止其舉行日期著候旨行

至是年正月甲子

諭禮部朕仰體

世祖章皇帝遺志欲躬詣

太祖

太宗山陵展祭以告成功前命議政王貝勒大臣等會議  
議政王等以去年各處多有水旱災荒且為時甚迫應  
用之物預備不及具題暫行停止今思

太祖

太宗創業垂統功德隆盛

山陵在望刻不能忘去年恭謁

孝陵禮成今已數月若再久延孝思莫殫朕懷靡寧茲當

海內無事欲乘此躬詣

福陵

昭陵以告成功用展孝思事關大典著議政王貝勒大臣  
內閣九卿科道各官會議具奏爾部即遵諭行啟行之

前一日

聖祖仁皇帝躬詣

太廟行祇告禮次日

啟鑾設騎駕鹵簿不作樂至日恭謁

福陵行禮畢隨恭謁

昭陵行禮次日恭謁

福陵

昭陵隆恩殿行大饗禮又次日於

福陵

昭陵隆恩殿前設黃幄焚楮帛行讀文致祭禮禮成還宮

先期鴻臚寺題請守

陵官員暨

盛京文武各官咸朝服於

崇政殿前序立行三跪九叩禮又命守

陵官員

盛京官員及老疾休致候補官員咸朝服於

大清門兩旁分翼齊集設騎駕鹵簿於

大清門前

聖祖仁皇帝御門陞座作樂

賜燕頌賞畢各官均行三跪九叩禮次頒賞守

陵官軍

盛京官軍及老疾辭退官軍等畢

聖駕回行宮遣王暨內大臣前詣

永陵致祭

福陵

昭陵時

諸妃園寢亦照常致祭  
穎親王薩哈廉克勤郡王岳託

功臣直義公費英東弘毅公額亦都武勲王揚古

利忠義公圖爾格墓各遣大臣祭酒

回鑾時率王以下各官恭詣

福陵

昭陵行告成禮是日不啟正門

聖祖仁皇帝進旁門下馬諸王於旁門外下馬各官於紅

櫓前下馬

聖駕回鑾設儀仗作樂經過地方官咸朝服跪迎

聖祖仁皇帝往返均詣

孝陵祭酒至京日恭詣

太廟行祇告禮畢還宮次日王以下文武各官進表慶賀  
頒詔天下

十五年定

陵寢祭品祭儀議准

陵寢供獻酌定用五十盤今六十  
五盤每年清明孟秋望冬至

歲暮

陵寢各遣官一人陳太牢俎豆上香奠帛獻爵讀文致祭

遣官由宗人府具題三月十八日



萬壽聖節及十月朔

陵寢獻酒果不讀祝奠帛遣守

陵官上香行禮各

陵寢忌辰行禮同以上由太常寺具題每月朔望

陵寢各獻羊一果實十二盤守

陵官上香行禮

十八年七月宗人府議准

盛京

三陵每年四時祭祀令

盛京將軍副都統侍郎內派出致祭

孝陵仍遣在京大臣致祭如有大事致祭

四陵俱於和碩親王以下鎮國將軍及文武大臣內遣祭

二十年三月辛酉奉移

仁孝皇后

孝昭皇后梓宮安葬卒已

上謁

孝陵行禮次至

仁孝皇后

孝昭皇后陵命

皇子等行禮奠酒

自是年始  
孝陵畢次至

聖駕謁

皇后陵奠酒

儀同

十一月甲子

上以雲南報捷恭謁

孝陵行禮次至

仁孝皇后

孝昭皇后陵奠酒丁卯行大祭禮

二十一年二月

上以雲南底定親詣

永陵

福陵

昭陵告祭行禮啟行前一日祇告

奉先殿所過州縣守土官迎送如儀過遵化州遣郡王各

一人祭告

孝陵及

仁孝皇后

孝昭皇后陵

上仍親詣奠酒三月壬子恭謁

福陵

昭陵癸丑恭詣

福陵寶城前大祭焚楮帛讀文甲寅詣

福陵隆恩殿行大祭禮乙卯詣

昭陵寶城前大祭焚楮帛讀文丙辰詣

昭陵隆恩殿行大祭禮儀與康熙十年同

壽康太妃

宸妃

懿靖大貴妃園寢

上皆親詣奠酒

康惠淑妃以下遣王等祭酒穎親王薩哈廉克勤郡王

岳託武勲王揚古利直義公費英東弘毅公額亦  
都忠義公圖爾格墓遣大臣讀文致祭多羅靖定  
貝勒飛揚武多羅安平貝勒杜度鎮國公馬占碩  
翁科洛巴圖魯圖魯什輔國公塔拜鎮國將軍聶  
克塞鎮國將軍湯五泰鎮國將軍慕爾察都統納  
穆泰都統楞額禮大學士達海巴克什大學士雅  
秦都統達爾哈額駙內大臣伊爾登尚書薩穆什  
喀領侍衛內大臣精奇尼哈番多爾濟內大臣諾

爾布占土謝圖二等伯明阿都統覺羅拖博輝原  
列五大臣內碩翁科洛巴圖魯尚書伊孫額駙李  
永芳都統博爾金侍衛內大臣宗室額克泰盛京  
按班章京葉克書尚書翼孫內大臣公常鼎一等  
精奇尼哈番巴奇蘭精奇尼哈番侍衛席爾巴隨  
從

太宗文皇帝安達理敦達理尚書車爾格盛京將軍阿穆  
圖內大臣覺羅色勒尚書馬福塔墓俱遣官奠酒



東京達爾漢巴圖魯親王舒爾哈齊卓禮克圖貝勒已雅喇墓亦遣大臣往奠已未

駕至興京展謁

永陵親王以下一等侍衛三品官以上咸素服隨行禮由

左門入至臺階下拜位行謁見禮其次日行大饗  
禮儀與

福陵

昭陵禮同

永陵內武功郡王禮敦巴圖魯恪恭貝勒塔察篇古墓遣

大臣於

殿外兩旁設筵致祭復遣官祭

陵寢附近地方覺羅祖墓禮成賞賚

永陵居住官員兵丁各有差次詣黑龍江地方望祭

長白山率諸王百官行禮四月丙申以

回鑾恭詣

福陵

昭陵奠酒五月庚戌至遵化州復詣

孝陵奠酒次至

仁孝皇后

孝昭皇后陵奠酒

聖駕回京日祇告

奉先殿其王以下文武各官表賀奉

旨停止

二十二年十一月庚寅

上以平定海寇親謁

孝陵行禮次至

仁孝皇后

孝昭皇后陵奠酒辛卯行告祭禮

十二月宗人府議准嗣後

孝陵

仁孝皇后

孝昭皇后陵四時祭祀及過大事致祭

四陵俱將和碩親王以下宗室公以上派出遣祭

二十七年四月庚申奉移

太皇太后梓宮於

暫安奉殿內享殿

五月丙申

上謁

暫安奉殿距

陵十里許

上哀不能禁沿途哭泣詣

暫安奉殿行禮奠酒痛哭良久出

殿後乘馬行猶涕泣不止次謁

孝陵行禮次至

仁孝皇后

孝昭皇后陵奠酒丁酉

上復詣

暫安奉殿痛哭良久始出

自是年始

暫安奉殿次謁

聖駕謁

孝陵

儀同

二十八年十月癸未奉安

孝懿皇后梓宮於陵寢癸巳

上詣

暫安奉殿

孝陵奠酒又至

仁孝皇后

孝昭皇后

金史卷一百五十三  
孝懿皇后陵舉哀

三十二年十一月乙巳

上奉

皇太后謁

暫安奉殿

孝陵行禮次至

仁孝皇后

孝昭皇后



孝懿皇后陵奠酒

三十五年二月丁亥朔

上以親征噶爾丹謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒

三十六年十月

諭曰

暫安奉殿非係山陵地方既近嗣後凡忌辰致祭著照四  
時大饗禮行

三十七年七月辛丑

上以親征平定噶爾丹恭奉

皇太后詣

盛京謁

陵告祭先期

諭大學士等曰朕三次親征剿滅噶爾丹皆

祖宗庇佑所致朕奉

皇太后躬詣

盛京謁

陵告祭但此時秋禾盛長若由山海關而行恐致踐踏田畝可取道口外前往及

啟鑾出古北口經蒙古諸部落至松花江及吉林烏拉之

地九月癸丑

駕至

興京甲寅展謁

永陵行禮遣官至武功郡王禮敦巴圖魯恪恭貝勒塔察  
篇古墓奠酒賜守

陵官兵銀幣有差丙辰至

盛京丁巳展謁

福陵

昭陵次日戊午詣

福陵隆恩殿大祭

諭內大臣等曰開國佐運勲臣揚古利費英東額亦都三人効力甚可嘉尚此三人墓朕祭

昭陵之日親臨奠酒其餘諸臣効力亦屬可嘉康熙二十一年曾經祭奠者照前舉行穎親王薩哈廉克勤郡王岳託等墓各遣大臣致祭尋揚古利費英東額亦都之子孫福善等奏請停止

親臨奠酒

上諭之曰

太祖

太宗開國定鼎爾祖佐輔勲勞即爾等亦不能詳悉朕時

閱

實錄知爾等之祖於開創時功績懋著深屬可嘉朕既來

謁

陵必當臨爾祖墓奠酒爾等毋庸再奏次日巳未

上詣

昭陵隆恩殿大祭畢

親臨武勳王揚古利直義公費英東弘毅公額亦都墓設

牀偏西北向

上坐牀上置奠池各奠酒三卮隨從王大臣侍衛等及勳

臣子孫皆於墳院內叩頭賜守

陵官員人等銀幣有差

駕回鑾入山海關十一月辛巳謁

暫安奉殿

孝陵行禮次至

仁孝皇后

孝昭皇后

孝懿皇后陵奠酒禮成奉

皇太后回京

四十八年二月丁卯

孝昭皇后忌辰前一日遣官致祭



陵寢前期禮臣奏二月二十六日清明祭

陵之期是日值

孝昭皇后忌辰例應致祭查從前並無二祭相值之日且

忌辰無祭文今或於前一日致祭或二祭並於一

日伏候

欽定得

旨著前期一日致祭

五十七年四月乙酉奉安

孝惠章皇后梓宮於新陵地宮

十二月壬戌

上謁

孝惠章皇后陵奠酒讀文致祭畢旋詣

暫安奉殿

孝陵舉哀奠酒行禮如常儀

六十年正月乙亥

上以御極六十年大慶命

皇四子和碩雍親王

帝

世宗憲皇

廟諱

皇十二子固山貝子允禩世子弘晟恭代祭告

永陵

福陵

昭陵先是五十九年十二月

諭大學士等曰諸王大臣為朕在位六十年奏請慶賀而於典禮之大者並未議及朕在位六十年皆

祖宗積德陰佑所致幸而六十年來一無所失應先往盛

京

三陵行大祭典禮但朕今年近七旬不能親謁

三陵應遣阿哥等恭代告祭俟上元節後朕親往

孝陵恭行大祭典禮具祭

陵撰文即將朕旨纂入

二月乙巳

上以御極六十年大慶恭謁

暫安奉殿

孝陵

孝東陵行禮次至

仁孝皇后

孝昭皇后

孝懿皇后陵奠酒丁未行大祭禮先是正月丁亥文武諸

大臣公奏言

皇上以御極六十年大慶欲

親詣

陵寢告祭誠

聖孝之至意第

皇上足病初愈冒寒遠行恐勞

聖體懇祈停止謁

陵

上諭曰朕前兩次欲親祭

陵寢皆因諸大臣勸阻未行至今猶自追悔爾等勸朕不去朕即不去至三月時諸臣若勸朕陞殿行慶賀禮朕

亦借風寒不准所請可也文武諸大臣又再四懇請

上終不允

雍正元年四月辛亥

世宗憲皇帝恭謁

暫安奉殿

孝陵

孝東陵行禮次詣

仁孝皇后

孝昭皇后

孝懿皇后陵行禮是日奉安

聖祖仁皇帝梓宮於

景陵饗殿

八月辛未

上恭謁

暫安奉殿

孝陵



孝東陵行禮遂至

景陵饗殿行禮

三年十一月丙午

上恭謁

昭西陵

孝陵

孝東陵

景陵行禮

嗣後

孝陵次謁

聖駕恭謁

孝東陵次謁

昭西陵次謁

景

陵儀

同

四年十一月定

聖祖仁皇帝忌辰致祭儀

諭禮部曰

皇考聖祖仁皇帝三年大禮已滿朕追念罔極深恩欲於  
皇考忌辰每歲遵照三年內祭禮舉行朕終身永慕豈三  
年祭禮所能限況億萬臣民感戴

皇考深仁厚澤自古帝王罕能比並一切禮儀亦非定制

所得拘也朕舉行此禮自展思慕誠切之衷至於舊制  
合否皆不遑計此禮亦惟朕躬行於我

皇考後世子孫不必奉為成例應行禮儀該部議奏尋禮  
部議每年

聖祖仁皇帝忌辰照周年祭祀例讀文致祭其內務府禮  
部工部太常寺光祿寺及有執事各該衙門先期  
奏請遣堂官前往屆期於在京王公大臣內或

陵寢王公大臣內恭候

欽命一人主祭在京王公各官三分之一遣往陪祭永遠

遵行

五年七月丙辰更定

昭西陵帷幄用明黃色

諭禮部曰

昭西陵帷幄用金黃色

孝東陵帷幄用明黃色

陵寢神龕寶座供奉之物理應同色但供奉多年不敢輕

易更換俟年代久遠遇應更換之時著俱用明黃色

八年十一月丙子以

聖祖仁皇帝忌辰先期致祭是歲十一月十三日冬至先

期於十一日行周年致祭禮

皇朝文獻通考卷一百五十三